



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 259. Quid Confessarius adolescentum & juvenum.

urn:nbn:de:hbz:466:1-42433

fendi. Itaque jam ex corde dolet, quod illum offenderis, & dic mecum: O Deus amabilissime, doleo, quod te judicem meum, quod te summum benefactorem meum, quod te summum bonum meum unquam offenderim, & propono cavere imposterum omnia peccata. Nunquid ita? Et ideo te accusas de omnibus tuis peccatis? R. Accuso. Dic ergo pro peccata tua &c.

1801. §. 8. Confessarius inculcet pueris horrorem peccati, quia nempe reddit animam turpem & deformem instar dæmonis: gratia vero reddit speciosam instar Angeli. Præterea ingratum timorem Dei, qui instar solis ubique præsens est & videt omnes malas cogitationes, & peccata mortalia vult igne æterno punire: contra qui pios & probos amat sicuti filios, & ipsis bona in hac vita, & postea in cælo æternam gloriam.

1802. Q. 259. Quid observare debeat Confessarius adolescentum & juvenum. R. seqq. §. 1. Multa quæ de pueris dicta sunt, etiam his possunt applicari, maximè si Confessarius non habuerit eos à pueritia sibi confitentes. Habitâ occasione, imprimis studiosè inculcet, quod peccata, de quibus timor est vel dubium, an sint mortalia, non sint reticenda ex pudore, alioquin nullum peccatum remitti, sed committi novum & grande sacrilegium: Nec causam esse pudoris, cum Confessarius sciat infirmitatem hominum, & obligetur strictissimo silentio, & tantò plurimè æstimaturus sit, quantò majore confidentiâ erga eum utentur: E contra si reticeant, nihilominus toti mundo manifestandum in extremo judicio, & cum æternâ damnatione. Deinde

etiam

etiam datâ occasione monendi sunt, ut primas tentationes aperiant, pro intelligendis mediis illas superandi, natura enim incipit in illa ætate se commovere, & quandoque faciunt aliqua, primò nescientes esse peccata, sed inducto pessimo habitu difficillimè emendantur.

§. 2. Nihil isti ætati magis utile est quàm frequens confessio, nam sic augetur Dei timor & cura puritatis, præcaventur seductiones, vincitur pudor, sicque faciliùs primò in parvis, postea in majoribus conscientiam aperiant: sed bene instruendi, ut diligens examen & actus requisitos præmittant. Potest autem examen adolescentum esse, præter illa, quæ de pueris dicta sunt, an tempus otiosè transegerint: pecuniam parentum prodegerint: inhonestis cognominibus alios affecerint: malum impræcati sint alteri: fuerint Parentibus causa iræ. Examen juvenù est ferme idem, & si suadeant circumstantiæ, vel ipsi occasionem dent, interrogandi sunt, primò in genere, an non aliquid turpe cogitârint, dixerint vel fecerint. Circumstantias personarum non solent advertere, nisi jam antehac talia confessi, instructi sint à Confessariis: debent autem assuehieri omnes pœnitentes, ut ipsimet distinguant speciem & addant numerum in mortalibus. Hæc autem ætas studiosè deterrenda est à turpiloquiis, quia hæc apud plerosque sunt initium seductionis; ab illis venit ad turpes tactus &c.

1803.

§. 4. Si Confessarius advertat, quòd quandoque accedant ad alium Confessarium, permittat, nec ullo signo ostendat sibi displicere, quia melius est sic, quàm sacrilegè confiteri: attamen tantò diligentius eis advigilet, quando

1804.

XXX 2

redi-

redibunt. Si autem tales ab alio Confessario clam ad se veniant, audiat ista vice, sed conetur disponere, ut se aperiant suo, neque enim est melior, imò vix est alius modus conservandi innocentiam aut emendandi ipsos, quàm si uno utantur Confessario, & ejus consilia sequantur. Sapienter dicit S. Carolus Borrom. in Instruct. Pastor. p. 2. c. 6. si quem deprehenderit, qui sine ratione legitima Confessarium suum deserat, conetur eundem per opportune reducere, quemadmodum enim Medici, qui naturam temperamentumque corporis in infirmis perspectum habent, non facile permittunt solent, quòd morbis necessaria facilius invenire remedia norint, sic neque videntur poenitentes, nisi magno delectu, à Medicis suis discedere debere, cum melius animarum vulneribus adhibere opportuna nihil instituta possint.

1805. §. 4. Cautè procedendum cum adolescentibus & juvenibus, quæ enim vident vel audiunt, observant diu, narrant aliis, de his ipsemet postea prudentiores judicant: major cura habenda est, ut satisfiat iudicio, quod habebunt, quàm quod nunc habent: nec plus eis dicendum, quàm pati possis resciri ab aliis. Etiam invicis ingerenda sunt pia documenta & monita, sunt enim semina, quæ si non jam, postea fructum dare poterunt.

1806. Q. 260. Quid observare debeat Confessarius Rusticorum, aliorumque rudium. R. seqq. §. 1. Eadem ferme observanda sunt de his, quæ de pueris sunt dicta, nam sæpe sunt æquè vel magis ignorantibus: Hinc 1. poterunt simili modo ad dolorem disponi: fortè etiam serviet hic modus, querendo, si offendisses magnum Principem, qui tibi dedisset omnia, qua habes, qui te aleret,